

könne / vnd also das Haupt nicht darinn bleibe /
sonderlich / wann man nur in ein warmen Schwa-
dem / von gemeinen oder medicinalischen süßen
Wassern sich baden wolte / oder man kan einen dich-
ten vnd behäben hohen Deckel von Holz darüber
machen lassen / daß entweder das Haupt darinn
oder heraussen bleibe / vnd also trucken darinnen
schwize / wie der Abriß zeyget.

CAPUT VII.

Wie man die obbeschriebene hölzerne Ge-
fäße zum distilliren / kochen / brawen /
vnd baden gebrauchen solle.

Vnd erstlich :

Von dem Distillir-Faß.

Wann man in dem obbeschriebenen Distillir-
Faß Num. 1. Spiritus ardentis, von Wein /
Meth / vnd Bier / ~~Mutter~~ / Item von Malz / Korn / *Milch*
Mehl / Obst / auch allerhand Baum Früchten / als
Kirschen / Aepfel / Bieren / Feigen / Pflaumen / zc.
Wie auch auß allen Blumen / Samen / Kräu-
tern / Wurzeln / vnd andern vegetabilischen Din-
gen distilliren will / so muß man solche zuvoren dar-
zu bereyten / vnd zurichten / auff daß dieselbigen
auch ihre Spiritus in der Distillation von sich ge-
ben können. Derenthalben es nöthig ist / von eines
jedwedern Gewächses Vohrbereytung etwas zu
sagen /